

სახელმწიფო შესყიდვების შესახებ ხელშეკრულება N67

დაბა სტეფანწმინდა

16 დეკემბერი 2021 წელი

ერთის მხრივ ა(ა)იპ „ყაზბეგის მუნიციპალიტეტის განათლების, კულტურისა და სპორტის განვითარების ცენტრი“ (შემდგომში „შემსყიდველი“) წარმოდგენილი მისი დირექტორის, თამარ შიოლაშვილის სახით და მეორეს მხრივ შპს „მოგზაური“ (სემდგომში „მიმწოდებელი“) წარმოდგენილი დირექტორის მამუკა ნიკოლაძის სახით, სახელმწიფო შესყიდვების კანონმდებლობისა და მიმწოდებლის სატენდერო წინადადების საფუძველზე NAT210023054 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებული ტერმინთა განმარტებები

- 1.1. „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ მასზე თანდართული ყველა დოკუმენტით. ხელშეკრულება შედგენილია ორი თანაბარი იურიდიული ძალის მქონე ეგზემპლარად ქართულ ენაზე. აქედან ერთი ეგზემპლარი გადაეცემა მიმწოდებელს, ერთი - შემსყიდველს.
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“ - ხელშეკრულების მე-2 მუხით გათვალისწინებული ხელშეკრულების საგანი.
„ტექნიკური დავალება“ - N- NAT210023054 ელექტრონული ტენდერის სატენდერო დოკუმენტაციის ტექნიკური
- 1.7. დავალება, რომელიც დაერთვება ხელშეკრულებას როგორც მისი განუყოფელი ნაწილი.

ხელშეკრულების საგანი

2.

- 2.1. ხელშეკრულების საგანს წარმოადგენს ა(ა)იპ „ყაზბეგის მუნიციპალიტეტის განათლების, კულტურისა და სპორტის განვითარების ცენტრისათვის“ სპორტული ინვენტარისა და აღჭურვილობის შესყიდვა
- 2.2. დანაყოფის კოდი - CPV37400000
- 2.3. ხელშეკრულებით გათვალისწინებული მომსახურების აღწერა მოცემულია ტექნიკურ დავალებაში, რომელიც თან ერთვის ხელშეკრულებას როგორც განუყოფელი ნაწილი.

3. ხელშეკრულების ღირებულება

- 3.1. ხელშეკრულების ღირებულება შეადგენს 11 400 (თერთმეტი ათას ოთხასი) ლარს,
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება შემსყიდველის მიერ განხორციელდება უნაღდო ანგარიშსწორების ფორმით, ეროვნულ ვალუტაში.
- 4.2. ანგარიშსწორება განხორციელდება ეტაპობრივად, ფაქტიურად გაწეული მომსახურების შესაბამისად, შესრულების დამადასტურებელი დოკუმენტაციის წარმოდგენიდან 5 (ხუთი) სამუშაო დღის განმავლობაში.
- 4.3. საავანსო ანგარიშსწორება არ გამოიყენება.

5. მიღება-ჩაბარების წესი

5.1. საბოლოო მიღება-ჩაბარების აქტი გაფორმდება ტენდერით გათვალისწინებული საქონლის მიღებისთანავე.

5.2 შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს ცენტრის დირექტორი თამარ შიოლაშვილი.

6. მომსახურების გაწევის ადგილი და ვადა

6.1. მიმწოდებელი საქონლის მიწოდებას განაცორციელებს ხელშეკრულების გაფორმებიდან 2 (ორი) კალენდარულ დღეში.

6.2. საქონლის მიწოდების ადგილია ქ. თბილისი.

7. მხარეთა უფლება-მოვალეობანი

7.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

7.2. შემსყიდველი ვალდებულია უზრუნველყოს მიმწოდებლის მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია:

ა) გასწიოს ხელშეკრულებით გათვალისწინებული მომსახურება სათანადო ხარისხითა და სრული მოცულობით. იმ ვადაში რომელიც მითითებულია ხელშეკრულების მე-6 მუხლში.

ბ) უზრუნველყოს მომსახურების გაწევა ტექნიკურ დავალებაში დადგენილი პრინციპების დაცვით.

გ) იმ შემთხვევაში, თუ გაწეული მომსახურება არ შეესაბამება ხელშეკრულების პირობებს, საკუთარი ხარჯებით აღმოფხვრას აღმოჩენილი ხარვეზი;

8. ხელშეკრულებით ნაკისრი ვალდებულებების შესრულების ინსპექტირება

8.1. ხელშეკრულების ნაკისრი ვალდებულებების ინსპექტირებას განახორციელებს შემსყიდველი.

8.2. ინსპექტირება გულისხმობს მიმწოდებლის მიერ ხელშეკრულების პირობების შესრულებისა და გაწეული მომსახურების ხარისხის პროცესის კონტროლს.

8.3. იმ შემთხვევაში თუ „მიმწოდებელი“ არ დააკმაყოფილებს ტენდერით მოთხოვნილ პირობებს, „შემსყიდველი“ უფლებამოსილია არ აანაზღაუროს მომსახურების ღირებულება.

8.4. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შეუსრულებლობის, ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია დაუყოვნებლივ, მაგრამ არაუგვიანეს მომდევნო დღისა წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 11.2 პუნქტით გათვალისწინებულ გადაწყვეტილების მიღების განზრახვის თაობაზე.

10.6. ხელშეკრულება ასევე შესაძლებელია შეწყდეს მხარეთა ინიციატივით, ურთიერთშეთანხმების საფუძველზე.

10.7. ახალი კორონავირუსით (COVID -19) გამოწვეული ეპიდემიოლოგიური ვითარების გაუარესების საფუძველით, საქართველოს მთავრობის დადგენილებით განსაზღვრული შეზღუდვების გამო, ხელშეკრულებით ნაკისრი ვალდებულებების შეუსრულებლობის შემთხვევა განიხილება როგორც დაუძლეველი ძალა და მხარეთა პასუხისმგებლობა დგება ამ ხელშეკრულების მე-11 მუხლის 11.1 და 11.2 პუნქტებით გათვალისწინებული წესით.

11. დაუძლეველი ძალა

11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2. თუ, ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით.

12.1 შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1 ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2022 წლის 18 იანვრის ჩათვლით.

13.2 საქონლის მიწოდების ვადებია ხელშეკრულების ხელმოწერიდან 18 დეკემბრის ჩათვლით.

14. რეკვიზიტები

შემსყიდველი ააიპ „ყაზბეგის მუნიციპალიტეტის განათლების, კულტურის და სპორტის განვითარების ცენტრი“ ს/კ 441 486 134 მის: ყაზბეგის მუნიციპალიტეტი, დაბა სტეფანწმინდა, აღ.ყაზბეგის N24 ტელ: 599 44 15 44 თამარ შიოლაშვილი დირექტორი	მიმწოდებელი შპს „მოგზაური“ ს/კ 205 026 675 მის: ქ.თბილისი, ვაჟა ფშაველა გამზ. 6 კვ.,10 კორ. 36 ბინ. ს.ს. "თიბისი ბანკი", TBCBGE22 GE43TB7094336020100008 ტელ. +99599547500 მამუკა ნიკოლაძე დირექტორი
--	---

ტექნიკური დავალება

N	დასახელება	სატენდერო ტექ. მახასიათებლები	რაოდ.	ზომა
1	მაგნეზია 300 გრ.	არანაკლებ 300 გრამიანი შეფუთვა. როგორც კლდეზე, ასევე საცოც კედლებზე გამოსაყენებლად.	10	ც
2	მაგნეზიის ჩანთა	მაგნეზიის ჩანთა. უნდა იყოს მრგვალი ფორმის და გააჩნდეს დიდი ღიობი, რომ მთლიანი ხელი ადვილად ჩეტიოს. უნდა გააჩნდეს საკეტი თასმაზე. ადვილად გასახსნელი ერთი ხელით. წონა არაუმეტეს 90 გრ. მასალა: ნეილონი. პოლიესტერი.	2	ც
3	საჭიდები	საჭიდები დამზადებული უნდა იყოს PE ფისისგან "მსუბუქი ზედაპირის" ტექნოლოგიის გამოყენებით. ყველა საჭიდი უნდა იყოს სერთიფიცირებული	80	ც
4	დაცვის ქამარი	სრულად რეგულირებადი საცოცი და ალპინისტური დაცვის ქამარი. უნდა იყოს მარტივი გამოსაყენებელი და კომფორტული, განკუთვნილი გამოყენების ფართო სპექტრისთვის. მახასიათებლები: წელის ქამარს უნდა გააჩნდეს ორი ორმაგი ზალთა და რეგულირებადი ფეხის მარყუჟები. ასევე წინა და უკანა მარყუჟები აღჭურვილობის და აქსესუარების ჩამოსაკიდებლად . შიდა საკონტაქტო ზალთები უნდა იყოს დარბილებული. მასალა: პოლიესტერი. უნდა გააჩნდეს სერთიფიკატი.	8	ც
5	თოკი დინამიური	დინამიური თოკი. დიამეტრი:10 - 10.5 მმ. წონა: არაუმეტეს 60 გრ/მ. UIAA ვარდნის რაოდენობა: 6. მაქსიმალური დარტყმის ძალა არანაკლებ: 8 კნ. სტატიკური დაგრძელება არაუმეტეს 11 %. დინამიკური დაგრძელება არანაკლებ 25 %. უნდა გააჩნდეს სერთიფიკატები.	200	მ

6	კარაბინი	გამძლე კარაბინი კლდეზე ცოცვისთვის, ჩამკეტის გარეშე. მასალა: ალუმინი. წონა არაუმეტეს 50 გრ. გამძლეობა მთავარ ღერძზე არანაკლებ: 20 კნ. გამძლეობა მცირე ღერძზე არანაკლებ: 7 კნ. გამძლეობა ღია კარის მდგომარეობაში არანაკლებ: 8 კნ. უნდა გააჩნდეს სერთიფიკატები	25	6
7	ჩაფხუტი	გამძლე, ადვილად გამოსაყენებელი ჩაფხუტი. უნდა გააჩნდეს FLIP&FIT სისტემა. ჩაფხუტს ასევე უნდა გააჩნდეს სქელი გარსი, რომელიც შექმნილია ზემოქმედებისა და ნაკაწრების წინააღმდეგობის გაწევისთვის. მასალა: ABS გარსი, EPP შიდა გარსი, პოლიესტერის თასმები, ნეილონი. თავის გარშემოწერილობა არანაკლებ 45-60 სმ. წონა არაუმეტეს : 350 გრ. უნდა გააჩნდეს სერთიფიკატები.	8	6
8	გრეიგრი	თოკზე დასაშვები მოწყობილობა ბლოკირების სისტემით. უნდა გააჩნდეს ერგონომიული სახელური. უნდა იყოს კომპაქტური და მსუბუქი, ერთმაგ დინამიურ თოკებთან გამოსაყენებლად დიამეტრით 8.5 -დან 11 მმ - მდე. წონა არაუმეტეს 180 გრ. მასალა: ალუმინი. უნდა გააჩნდეს სერთიფიკატები	2	6
9	კარაბინი თასმით	მასალა: ალუმინის კარაბინი, პოლიესტერის ნაქსოვი, რეზინის დამჭერი. წონა არაუმეტეს 120 გრ. გამძლეობა მთავარ ღერძზე არანაკლებ 20 კნ. გამძლეობა მცირე ღერძზე არანაკლებ 6 კნ. გამძლეობა ღია კარის მდგომარეობაში არანაკლებ 8 კნ. კარის გაღება არანაკლებ 22 მმ. უნდა გააჩნდეს სერთიფიკატები	20	6

თამარ შიოლაშვილი
დირექტორი

მამუკა ნიკოლაძე
დირექტორი